



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






W. Combes.  
1. d. 153






















Cura. Prio. S. C. M.

I. A. Piffol. ex. A. V.

**VITA  
B. JOANNIS  
NEPOMUCENI  
MARTYRIS,**

**AUTHORE  
P. BOHUSLAO BALBINO, Soc. JESU  
CONSCRIPTA,**

**NUNC DENUO EDITA, ET ICO-  
NISMIS PRÆCIPUA BEATI  
ACTA EXHIBENTIBUS  
ILLUSTRATA.**

**Scalpro & sumptibus  
JOANNIS ANDREÆ PFEFFEL,  
Cæsarei Chalcographi.**

***Cum Licentia Superiorum.***

---

**AUGUSTÆ VINDELICORUM,  
Typis JOANNIS JACOBI LOTTERI, Anno 1725.**

*1. d. 1725*

THE  
JOURNAL  
OF THE  
INTERNATIONAL  
CONFERENCE  
ON  
STATISTICS



Published by the  
International Bureau of Statistics  
Geneva, Switzerland

Volume 12, No. 1

January 1964

Price 12.00

Subscription price 12.00 per annum






wfu



*Ich. Andr. Pöggel sculps. Aug. Vind.*

REVERENDISSIMO  
<sup>AC</sup>  
ILLUSTRISSIMO DOMINO,  
DOMINO  
FRANCISCO  
JULIANO,  
DEI GRATIA  
EPISCOPO HIPPONENSI,  
S. R. I. COMITI à BRAIDA,  
CATHEDRALIS ECCLESIAE  
OLOMUCENSIS  
CANONICO ET SUFFRAGANEO:  
NEC NON CELSISSIMI  
<sup>AC</sup>  
EMINENTISSIMI DOMINI,  
DOMINI  
EPISCOPI OLOMUCENSIS  
IN SPIRITUALIBUS  
VICARIO GENERALI,  
ET  
OFFICIALI,  
ARCHIDIACONO ZNOYMENSI.



Reverendissime, ac Illustrissime  
**Domine, Domine**  
&c. &c.

**N**E mireris Reverendissime, & Illustrissime  
Domine, postquam superioribus annis  
Reverendissimis, & Clementissimis Prin-  
cipibus Alexandro Augustano, & Sigis-  
mundo Viennensi Præsulibus, illi Dominicæ passio-  
nis mysteria, huic Viennenses sacras Basilicas affa-  
brè æri incisas, amplissimis duobus nominibus in-  
scripsi, à me tibi hoc tertium opus, quod dudum  
mul-

## DEDICATIO.

multis titulis nomini tuo debebatur, nuncupari. Duo enim potissimum ad hoc ut religiosissima B. Joannis Nepomuceni, plena sanctitatis acta, eleganti ut ut pro rei amplitudine compendiaro calamo à R. P. Bohuslao Balbino è Societate JESU viro eruditissimo olim conscripta, adjunctis æreis tabellis publici juris facerem, animum inclinârunt. Primum, quòd non sine animi voluptate cernerem, elaboratas à me superioribus temporibus ea, qua poteram, arte, ut rei dignitas postulabat, ductò scalprò Divi hujus imagines tanta manuum complosione per Bohemiam, ac Moraviam passim exceptas; avidissimis quoque animis in remotiores etiam Regiones expetitas; ad hoc plurimorum, ardentia vota intelligerem, Divi Nepomuceni gesta, quæ in iisdem tabulis summaria methodo excusa mirè pascunt intuentium animos, paulò enucleatius exposita legendi, tractandique. Alterum, quòd, cum novis indies, iisque recentissimis, ut fama fert, prodigiis cœlum ipsum Joannis virtutes probare videatur, nihil me ab æquitate alienum facturum judicarem, si hac meâ opellâ immortalia ejus facinora orbi commendatum irem.

Verùm dum anxia subiret cogitatio animum, neque probè nôssẽm, cujus sub auspiciis hoc negotium



## D E D I C A T I O.

tium agerem ; visum est tuâ uti ad propositum meum autoritate & studio : quorum altero tanquam clypeo in fronte libri appenso calumniantes veritatis hostium injuriæ retundantur ; altero invictissimi Herois in oppetenda pro Christo morte fortitudo , debellata silentiô Wenceslai Regis garrula crudelitas , virtusque cœlo digna , quæ Bohemiâ totâ solis instar resplenduit , longè latèque celebretur ; Ad hoc verò immortalis nominis tui , & præclare gestorum fama pietasque perspecta omnibus (quæ non unius Bohemiæ , Moraviæque angustos passa limites , sese in exterarum terras , etiam ad nos usque profudit ) plurimum conferre posse videbantur. Enim verò , cum *Similitudo morum Mater sit amorum* , nihil à te alienum arbitrare ; si illius causam egeris , cujus vitam ab ineunte ætate tuam fecisti , dum nihil habuisti prius , quàm ut in te Bohemia , piique omnes alterum Joannem Nepomucenum , nescio , an majori tui commendatione , an verò disciplinæ Ecclesiasticæ commodo , venerabundi suspicerent. Et meritò : magna enim te inter , Antistes sapientissime , ( modestiâ tuâ dixerim : ) & Joannem Nepomucenum vitæ , morumque conjunctio ab ipsis incunabilis intercessit.

Joannes honesto quidem loco natus ; at cœlestibus

## DEDICATIO.

stibus flammis, quæ nascentis insederant domui, factus illustrior, vix ortus futuræ sanctitatis signa portendit. Te splendida natalium conditio, & geminæ cœli faces, novum Prosapiæ tuæ sidus, ab ortu illustrârunt: eos enim Majores nactus es, quorum Regio Diademate \* subinde coronati vertexes summis Reipublicæ in Italia, Bohemia, aliisque Provinciis admoti muneribus, consilio, fortitudine, constantia de Regnis, bonoque publico optimè meriti perennem nominis sui, & amplissimorum factorum gloriâ in posteros, quos Bohemia & Moravia, ut tuas, & Germani tui laudes taceam, Patres Patriæ semper habuit, propagârunt. Amplius dicam; gemino illustratus es sidere sanctissimo Pio V. Pontifice, ac Thoma Aquinate; \* qui è tuo quoque orti sanguine plus claritatis, quàm per tot secula Majorum tuorû facinora, quanquam illa amplissima sint, stirpi tuæ attulêre. Ab his generis nobilitatem æquè, ac virtutis splendorem hæreditario jure es consecutus. A teneris illico annis sacris rebus afficibare; si loquendum, si agendum esset quidpiam, tanta utebaris moderatione, ut nihil in puerili ætate agere videreris, quod virum non deceret: quo obtinuisti, ut nemo esset, qui indolem tuam ad summam

\* \* Ex panegyrico Zaræ dicto 4. Octobr. An. 1723.

## DEDICATIO.

ma quæque natam ex his velut ex ungue Leonem non agnosceret.

Vides, quàm par utrique vitæ initium ; sed major morum similitudo ; eandem enim vivendi normam communem cum Joanne habuisti : ille capacissimam nactus mentem vix annos juveniles attingit, ea industriæ laude omnem literarum, & Christianæ pietatis studio operam consecravit, ut Joanne doctior, ac sanctior audiret nemo ; & quanquam ingenii amplitudo, indoles ad maxima nata sponderet plurima, caducarum tamen pertæsus rerum omne studium eò contulit, ut Sacerdotii potiretur : hoc cùm esset adeptus, operam suam in tutanda Ecclesia Catholica, in conciliandis diffidentium animis, in reprimendis sceleribus, lucrandisque Deo animabus meliùs collocatam ratus ; adeò se probavit, ut in familiarem consuetudinem à Wenceslao Rege admissus, eidem factus ab Eleemosynis, paulò post Canonicum ad S. Vitum Pragæ ageret ; & nisi modestia, animique demissio abnuisset, iisdem, quas meruerat, Litomisliensi, & Wischehradensi Infulis ornaretur.

Habes hîc tuarum laudum compendium strenuus Joannis æmulator Reverendissime Domine : florentis vitæ ætatem virtutibus, mansuetioribus  
juxta

## DEDICATIO.

juxta ac severioribus disciplinis ea ingenii felicitate impendisti, ut passim & probus & doctus indigeris. Ad hoc; tibi fortunas amplissimas ab generis nobilitate, dignitates summas à tuis, Majorumque meritis; spes denique maximas à favore omnium in Civili Republica pollicebare. Quod cum scires oculatus, erat, ut hujusmodi seculi crepundia mentem à pientiori proposito avocarent; nisi in constantem animum incidissent. Generoso pede vanas fortunæ arridentis illecebras calcâsti; dum ad Sacratiora convertens animos in Sacerdotem unctus totum te alterum Samuelem immortalis DEO consecrâsti. Dies me deficeret, si ea, quæ Minister DEI publicus perenni laude dignissima gessisti, omnia enarrem: Mitto ad omnem modestiam & pietatem compositos vitæ mores; mitto indefessum divinæ gloriæ promovendæ ardorem; mitto fervidam Ecclesiæ Romanæ defendendæ mentem; illud solum indigitasse sufficiat: duo potissimum in te, tam exquisitam politioris literaturæ, utriusque Pontificii, & Cæsarei juris peritiam, ac parem tantæ doctrinæ pietatem, omnibus admirationi fuisse. Unde nec virtus, nec eruditio tua diu in umbra latuit, in solem, & pulverem progressa est; cum te passim amplissima munia ambirent, non tu illa; & à qui-

## DEDICATIO.

bus alii honorem mutuantur, tu eisdem gloriæ, & dignitatis plurimum addidisti. Olomucensis tamen Ecclesia non sine pia aliarum invidia velut altera Magdalena partem elegit optimam, quando te primo Canonicum nata non inertem, & otiosum; sed talem, qui ex accessione dignitatis novam sibi impositam provinciam arbitratus, tantò sanctius vixit, quantò sublimiùs se supracæterorum conditionem positum cerneret: Semper primos interrigida hyeme, quod etiamnum soles, in Choro; assiduus in audiendis confessionibus, dicendò ad concionem ardentissimus, in adjuvandis consilio, & ære indigis munificus, beneficus in omnes; Religiosus inter sæculi turbines videbare. Familiam quoque elegisti gravem, modestam, cui in oculis nihil lividum; nihil concinnum in comis; nihil ambitiosum in vestibus; nihil turgidum in incessu; nihil garrulum in sermone; nihil improbum in moribus: tanta tibi semper erat pietatis cura. Testatiora sanè hæc fuerunt, quàm ut eorum, quorum interest virtutem remunerari, oculos laterent. Hinc à sapientissimis Diœcesis Olomucensis Antistitibus, qui acre, & singulare adhibent iudicium in viris ad gravia munia eligendis, qui nihil gratiæ, totum virtuti concedere soliti sunt, Vicarius, ut ajunt, Generalis es constitutus.



## DEDICATIO.

tus. Quod munus tanto Moravici Cleri, Ecclesiarum, & pietatis emolumento sustinuiſti, ut perſpecta tua virtus ſumma cum ingenii dexteritate & eruditione conjuncta, reſque præclare pro re Catholica ubique geſtæ Romam uſque ſeſe penetrârunt; quæ, ut amat, viros dignitatibus quærere, non viris dignitates, te Hypponenſi Mitrà; non enim minus præmiũ meritis tuis æquari poterat, coronavit.

Non tamen te ideo à preſſis Joannis veſtigiiſ avocatum dicam, ille quidem Infulas ſibi oblatas magna demiffionis laude repudiavit; tu hanc non minori dignus præconio, non à te ambitam, invitatus accepifti, & etiamnum majores eadem, qua illas mereris, virtute recuſas, negligis, aut declinas. Illud utrique iterum commune, quòd cum omnia ad Divi hujus exemplum agas, eodem jure, quo felicitatem ſuam, atque amplitudinem Joanni Nepomuceno Pragenſis S. Viti Eccleſia, tibi Olomucenſis ſuam quoque referre debebat in acceptis. Nam, omiſſis veteribus, recentiora memoriã recolamus: quantus tibi meritorum acceſſit cumulus his annis, quibus Eminentiffimi Cardinalis, & Epifcopi Olomucenſis cum Initiatoris, ſeu, ut vulgò ſuffraganei poteſtate laudatiſſimè vices geris! Næ munus hoc, cui multorum humeri ſunt impares,

## DEDICATIO

tanta fide, diligentia, & dexteritate obis, ut ubique DEI, & Cælitum honorem, disciplinam Ecclesiasticam neglectam, aut penè collapsam restituas, augeas, sancias. Testantur id duodecīm variis in locis Augustissima Deo à te sacrata templa; sibi restituta quàm plurima; quæque ad ornatum, & Majestatem facerent, studiosissimè procurata. Quod tuum in emendandis malis moribus ardens studium, populi & Cleri pietas, qui toti Moraviæ & Bohemiæ virtutis, & Religionis est speculum, me tacente loquitur.

Illud omnes in te mirantur, quòd, senili ætate, & fractis viribus cūm sis, per vias asperas, ac montium rupes brumali non rarò tempore cum gravi valetudinis periculo ædes sacras perlustres ipse, in pravos mores inquiras; tam clementer vitia à tuis propulses, ut feriendo parcere, & parcendo ferire videaris. Est quoque tibi laudatissimum hoc perfamiliale, ne procul dissitæ à Pastore animæ spiritali remedio ad consistendum in virtute careant, omni ratione contendere; unde ut populo itineris molestiam sublevares, tuam negligis: dilatis etiam gravibus Patriæ negotiis, quo indigenti populo confirmationis Sacramentum conferres, Saram, Cajam, aliáque remotiora loca adeò frequenter proficisce-

## DEDICATIO.

cisceris , ut quinquaginta octo mille quadringenti quinquaginta tres percenseantur, quos Sacro unctos oleo ad fortiter pro virtute & fide dimicandum roborasti ! accedit, quòd spiritualibus mediis humanam etiam industriam ad tuorum profectum adhibeas, bonisque Pastoribus, quibus cura conceditarum tibi ovium tutò committeretur, acutus, & sagax populo sapientissimè consulas : muneris verò tui partes omnes ita explas , ut nec te Chorus psallentium Domino suum unquam Canonicum , nec Dioecesis Vicarium requirat.

Poterant alii tot consumi laboribus , tot itineribus frangi ; tu contra erectior, tantùm abest, ut hac negotiorum mole fatiscas, ut etiam, cùm dormi sis, auctoritate, & consiliò bono publico, tuisque Ecclesiis longissimè prospectum eas : Si enim Ecclesiis opus Rectoribus, priùs facto virtutis periculo, eos, quos exploratissima virtus eruditioni socia commendant, tanto muneri admoves ; probè sciens : dignitates esse merces virtutis, non ambitionis ; meritum, non precum. Si Civilis Reipublicæ necessitas postulat, postulat autem quàm frequentissimè, ita malis mederis, & bonum procuras, ut, qui tua facta propiùs intuentur, meritò in dubium vocent, an in rebus aggrediendis prom-

## DEDICATIO.

ptior, prosequendis fortior, aut perficiendis felicior sis. De utraque Republica cùm Civili, tum Ecclesiastica optimè meritis: de illa, quòd tuis crescat, & floreat sapientissimis consiliis; de hac etiam quòd per te sacris initiatos habeat quàm plurimos (amplius enim, quàm 7431. viros omni eruditione, & virtute conspicuos Deo consecrasti) quorum opera in instruendis rudibus; expiandis à noxis animis; atque administrandis Divinis Mysteriis uteretur. Hoc quidem utilitatis est; alterum gloriæ & decoris; utrumque tibi debet. Habet Moravia summis ornatos muneribus, sanctitate & rebus bene gestis spectatissimos, qui non minori ornamento, quàm utilitate rem gerunt Catholicam, Cœnobiarchas, & Hæteriarchos non paucos, quorum tu decem, si non penè omnes, infulis ornasti: Autoritati an potiùs virtuti accedit tuæ, quòd duo Reverendissimi, ac Illustrissimi Franciscus Engelbertus Barbo è Comitibus de Bexnstein, & Wenceslaus Carolus S.R.I. Baro Koschinschy viri & generis Nobilitate, & doctrinâ amplissimi coram te caput demittere, ut prior Dariensè, hic Reginæ Hradecensis urbis Episcopalem Mitram, meritorum suorum præmia, ex manibus tuis capefferent. Unicum ad gloriæ tuæ culmen deesse visum est; ut tuo, cujus vices geris,  
Emi-

## DEDICATIO.

Eminentissimo Cardinali & Principi Ecclesiæ Olomucensis, dignum tanto capite Episcopale decus, quod tuis quoque meritis par esse poterat, imponeres; & id obtinuisti: illud profectò virtuti tuæ tribuendum, quòd dum adeò liberalis aliorum vertices sacris honoribus consecrares, tui sis oblitus, quì majora, ac habes, promereris. Nimirum non honores accipere, sed mereri; & virtutem sibi ipsi dignum esse præmium judicasti. At dices, nihil horum B. Joannes Nepomucenus; nec infulas gessit, nec contulit: non abnuo; verùm & tu ita hæc agis, ut agere non videaris; cùm nihil gloriæ, nihil ambitioni, nihil tuæ, sed totum Ecclesiæ, cui labores tuos, & senilem ætatem impendis, utilitati tribuas: in hoc autem Nepomuceni vitam omnem fuisse consumptam, veriùs est, quàm ut persuadeam. Verùm quid hæc commemorem? Si populi quoque mixtum non muta veneratione amorem, quem in te concitasti; si modestiam, qua infractus fortunam blandientem fers, qua in tanto dignitatis fastigio excusandum nihil in tuos mores admittis, adducerem, sola Moravia paginam faceret.

Illud mihi primo propositum fuit loco; ardens studium, quo Divi Joannis Nepomuceni Cultum promotum ubique contendis, certissimum a-

mo-



## DEDICATIO.

moris, ac imitationis argumentum, admirari: non enim tibi satis erat, quem moribus æmulatis, privato à te honore coli: totus in id incubuisti, ut, quæ totius Bohemiæ erat votorum meta, eidem publici honores decernerentur. Innotuit hæc tua Romæ pietas: unde, dum Anno M. DCC. XVII. rogatu totius Regni, & tua maximè industria Clemens XI. summus Sacerdos ex sapientissimis Bohemiæ præsulibus, qui Joannis acta, ac nova indies facta prodigia ad veritatis trutinam revocarent, sacrum senatum coëgisset, Te hujus ornatissimi consilii, licet spectatissimi alii Antistites abundè suppetent, præsidem, ac judicem constituit. Egisti id munus tanta dexteritate ac studio, ut remoto omni negotiorum objice stupentibus aliis, nullo frigoris acerbi, aut valetudinis sinistrae malo deterritus, pluribus etiam horis ad confirmandam prodigiorum veritatem jusjurandum acciperes: tanta autem æquitate tulisti sententiam, ut ea, quæ tuo iudicio probata sunt, Romæ quoque probarentur. Unde factum Anno M. DCC. XXI. Joannes Nepomucenus in Beatorum Martyrum Catalogum refertur. Hoc verò cum esses affecutus, non facile dixero, quanta ex illo beneficio in Divum tuum Patronum exarseris pietate: illud argumento sit, quòd,  
licet

## DEDICATIO.

licet septuaginta duos prope annos numeres, longissimi tamen itineris molestias minimè pertimescens ad Beati Corporis levandi solennia Pragam advolare apud te constitueris; quæ cùm te ignaro ob auspicutissimum, inopinatum tamen Mariæ Elisabethæ feliciter regnantis Imperatricis adventum ante statum tempus fierent, multum tibi pii doloris id attulit; verùm ut est amor ingeniosus, Religiosum honorem, quem Pragæ tuo Beato Nepomuceno exhibere non poteras, compensasti: quando à te duobus ab hinc annis primum in Moravia templum, in Beati Martyris honorem, à Reverendissimo, & Illustrissimo montis viridis Cœnobiarcha Saræ erectum, non sinè ingenti animi voluptate est inauguratum.

Mitto reliqua, ut tuæ cædam modestiæ; compendio dixisse sat sit, voce populi loquor: tua industria D. Joannis Nepomuceni Cultus in Bohemia, ac Moravia adolevit, pietate crescit, tuo studio perpetuabit. Et hæc ratio erat Illustrissime & Reverendissime Domine, cur nomini tuo hanc paginam inscriberem; quod scirem hæc gloriosa D. Nepomuceni facinora à nemine tractanda sæpius, volvenda diligentius, quàm à te; qui vitam D. Joannis exprimere per singularem virtutum imitatio-

C

nem


## DEDICATIO.

nem bonis omnibus videris. Perge igitur & benigno affectu hoc meum erga te studium prosequere: tantum audeo ex tua, cujus vitam proferant superi meritis parem, mihi facilitate blandiri, quod demittere oculos in hæc folia non gravaberis; quo uno felicem me arbitrabor, tuisque favoribus obstrictus in perpetuum vivam, ac ero.

*Reverendissimæ ac Illustrissimæ  
Dominationis Suae*

Devotissimus

JOANNES ANDREAS PFEFFEL,  
Calcographus Cæsareus.



**VITA**  
**B. JOANNIS NEPOMUCENI**  
**ECCLESIAE METROPOL. PRA-**  
**GENSIS S. VITI CANONICI,**  
**PRESB. ET MART.**

**Authore BOHUSLAO BALBINO S. J.**  
**Actis Sanctorum ab Hagiographis Societatis Jesu**  
**Ancverpiensibus ad diem 16. Maji inserta.**

**P R O L O G U S.**

1. **N**Ullum umquam tam infelix, tam bonis inimicum, ac  
tanta sterilitate damnatum Christianæ Reipublicæ se-  
culum illuxit, in quo nasci & crescere pietas & virtus  
non possent: imò quæ deteriora fuere tempora, eadem feraciora  
fuere sanctitatis: adversa enim virtutem non opprimunt, sed fa-  
ciunt, & factam corroborant. Quod vel in Bohemia nostra Wen-  
ceslai, Caroli IV. degeneris filii, Regis ac Cæsaris Imperium satis  
ostendit: qui cum Princeps esset ignavissimus, idemque in luto  
sanguine macerato (quod ei & in baptismo, & postea dum in-  
fans coronatur, ominosè contigisse scribit Paulus Zidets in Chro-

### *Prologus.*

nico Bohemiæ M.S.) federet, id est libidinose & crudeliter regnaret; tamen in tanta universi regni à capite suo corruptela, Ecclesia Bohemica, & præcipue Pragensis Metropolitana, tam insigni numero virorum, summa generis claritate, doctrina, rebus fortiter pro Ecclesiæ immunitate gestis, vitæ innocentia ac sanctimonia, cæterisque magnorum Sacerdotum virtutibus eo tempore abundavit, ut non ferrea, vel lutea; sed aurea & gemmea Ecclesiæ tempora rediisse viderentur. De his illustribus Pragensis Ecclesiæ viris in historia Metropolitanæ Pragensis Ecclesiæ egimus: nunc B. Joannis Nepomucensis vel Nepomuceni vitam & mortem felicissimam brevi compendio complectar, idque in arcani Confessionis Sacramenti (cui ille vitam suam impendit) honorem & gloriam. Ac nihil ego quidem dubitem, tanti Martyris Vitam pridem conscriptam in antiquitate fuisse: at hæresis, quæ B. Joannis mortem paulo post excepit, iisdem flammis, quibus templi & cœnobيا omnia apud nos considerunt, corrupisse videtur. Quæ igitur de beato Martyre adferemus, in manuscriptis plurimis ea ætate viventium hominum (quorum mihi suppetit copia) tum in typo expressis codicibus reperta, & in unum summa fide & religione collecta, non tam diligentia cuicui meæ, quàm felicitati, quod inventa sint, adscribantur.



CA-














## C A P U T I.

### *Pueritia B. Joannis, Sacerdotium & cetera munia.*

2. **N**atus est B. Joannes Nepomucensis in Bohemiæ oppido Nepomuk, vel ( ut veteres appellabant ) Pomuk, in Pilsnensi regione, Praga distans Bavariam versus magnisdecem milliaribus. Oppidum Nepomuk argenti fodinis quondam nobile, tum religionis antiquæ vestigiis, nec minùs Monte, qui oppido incumbit, & Viridis dicitur, celebratum est: quòd nimirum in eo Monte ( ut ex Annalibus Bohemicis constat ) S. Adalbertus Pragensis Episcopus, Româ ad Bohemos gentiles suos rediens, multis annis negatam Bohemiæ pluviam, sanctissimæ Crucis signo, cum bonis precationibus in campos latè jacentes efformato, statim cœlo deduxerit; ac primum hunc montem, totam deinde reliquam Bohemiam gratissimo surgentium herbarum virore recrearit; unde etiam Pomok vel Pomuk, ab immadescendo, loco nomen datum existimo. Quo anno B. Joannes editus in lucem sit, scire non possumus, ex ætate reliqua suspicamur, inter annum M. CCC. XX. & XXX. ortum esse. Parentes, oppidani & mediæ fortunæ fuerunt, pietate magis quàm genere & opibus illustres. Pietatis hoc indicium est, quod ætate jam senectâ, cùm prole omni carerent, precibus & votis fuis ad Dei Matrem ( quæ in statua sua sub Viridi-monte in Cœnobio Cisterciensium, non ita procul Nepomuko, religiosè à populo colebatur ) impetrarint filium; cui, ut affectus erga Mariam Dei Matrem ipso nomine admoneretur, Joannis imposuere nomen. At non uno be-

neficio contenta Virgo Mater, quæ nuper ex utero sterili Joannem eduxerat, & propè creaverat, eadem recreavit: nam cum puellus Joannes in gravissimum incidisset morbum, voto ad ejusdem Divæ Virginis simulacrum à parentibus edito, & promissis in ætatem reliquam pro filio obsequiis, protinus surrexit incolomis.

3. Sed ante id quoque servi sui sanctimoniam & cœlestem vitam cœlesti indicio comprobaverat DEUS: nascente enim Nepomuci Joanne, serenissimæ quædam flammæ, cœlo visæ descendere, amabili & innocenti luce, gratissimo civitati spectaculo, totam domum, in qua Joannes nascebatur, circumfuderant. Hoc flammæ augurium sanctissimis quibusdam viris in ortu concessum, B. Joannes noster tota reliqua vita, ardentissimis ad populum sermonibus, & ignitis ad Deum precibus approbavit: eademque flammæ cœlestes etiam mortuum sunt comitatæ, &mersum in fluminis alveo prodiderunt. Sed in historia præverti non decet. Puer Joannes, ut primum in scholis admotus est, formulam divino sacrificio ministrandi exactè perdidicit; eaque in usum deducta, nullo postea impellente, quotidie cum prima aurora ex oppido ad Cisterciense cœnobium decurrere, omnibus ex ordine quotquot sacra facerent Sacerdotibus ad aram ministrare, consuetudinem sibi fecit; tanta tamque pertinaci pietate, ut jam velut domesticus & Sacrificiorum stabilis administer inter altaria versaretur. Quo, parvo quidem in speciem, sed non planè futili ad extremum argumento, magnum aliquid se jam tum in puero Joanne videre prudentes credebant.

4. Erat ei, cum dulci & rosea quadam ac pudibunda pietate, acre, vividum & igneum quoddam ingenium; cui ut parentes crescendi darent copiam, Zatecium ad celebres ea tempestate Latinitatis Scholas miserunt. Hic prima latinæ grammaticæ elementa, ac reliquas annis sequentibus humaniores disciplinas, egregio profectu & rara ingenii commendatione percepit. Præcipue





Cum R. S. C. M.

I. A. P. ex. A. V.









*Surcubabo mihī Sacro-  
tem fidelem, qui pax et  
amicum et animum me-  
am faciet.*  
1. Reg. C. 2. v. 35.

J. Louis Brail  
longman  
Cm. Rec. Jan.  
fian. planim  
uniqua in am  
datus. Sionis  
10 Oct 8.

*Sacerdotio initiandus mensem  
inter pietatis et poenitentiae opera  
exiit. Vit. n. 5.*

Pet. Joannes  
 Tachuta sc  
 la Eucharis  
 Dominicus  
 simple vadi  
 hunc. Lxxix  
 27. Febr

cipue juveni ad bonas spes genito eloquentiæ studium placebat ; ad quam cum natura ipsa conformarat & finxerat : plerumque enim genio cujusque impellente id in studiis nostris sequimur, quod nos assequi posse confidimus : sine spe captare profectum, irritus labor est. Cùm jam Zatecii (urbs est Bohemiæ celebris) nihil restaret discendum, ad altiores scientias, neque linguam tantùm, sed pectus ipsum excolendum, Pragam Joannes contendit. Paulo ante tempora Universitatem Studiorum Pragæ excitarat Carolus IV. Imperator & Bohemiæ Rex : & conquestis ex omnibus litteratis Urbibus, Parisiis, Bononiâ, Paduâ Magistris, omnis doctrinæ divinæ & humanæ Scholas aperuerat. Ad eos igitur sese Joannes noster applicuit, ac primùm Philosophiæ Magister inter primos, tum Theologiæ ac Sacrorum Canonum & Decretorum creatus est Doctor. Theologiam ad Ecclesiam Collegiatam S. Apollinaris in Nova - Urbe Pragensi (ubi ea frequentissimè docebatur : nam ex vicina Wissehradensi Ecclesia Clerici omnes huc itabant) audivisse constat, sub optimis Magistris ; ceteras scientias in quibus Collegiis perceperit, incertum est.

5. Jam pridem ex quo dare litteris operam cœperat Joannes, ad Sacerdotium & animarum obsequia vocari se senserat : ardentius, cùm jam prope metam esset, ad id etiam ferebatur. Quamvis verò studiis litterarum pietatem & virtutem semper conjunxerit ; tamen cùm existimaret, quò quis magis ab animi cultu comparatus ad suscipiendos Sacerdotum ordines accesserit, eò postea felicius in animarum salute versari ; integrum mensem ab omnibus profanis negotiis vacuum, Sacerdotio præmisit : quem mensem totum in afflictando corpore, repurganda conscientia, impetrandis cœlestibus ad tantum tamque divinum munus auxiliis, piisque commentationibus & consiliis in futurum, traduxit. Ex hac solitudine egressus, & sacris initiatus Ordinibus, cùm nullas ad populum phaleras & multa dicta, ut ait Comicus, sed Spiritu divino animata verba & cœlestia sensa, velut hastas amenta-

tas, aut potius ipsos currus falcatos in subjectam concionem ex alto immitteret, & regnaret in animis, ex auditorum commendatione, motu, lacrymis, & magis emendatione vitæ, magnam paravit sibi auctoritatem, & brevi præstantis Ecclesiastæ nomen apud Pragenses est adeptus. Itaque approbatione omnium Joanni in basilica Beatissimæ Virginis ante Lætam - curiam (vulgo Teinam vocant) in antiqua urbe Pragensi, primario urbis loco, concionandi munus imponitur. Difficile esse potuisset, auditores jam pridem maximis & disertissimis viris assuetos tenere dicendo. Succedebatur Conrado de Stiekna, quem unum ætatis suæ eloquentissimum Pragenses fuisse crediderant: succedebatur Joanni Milicio, non ita pridem extincto, quo dicente, unà omnes matronæ Pragenses vestium luxum abjecerant, meretrices poenitentes magno numero cœnobiis sese incluserant, lupanaria cives ipsi dejecerant. Tamen Joannes noster omnem illam populi expectationem implevit, & desideria superiorum concionatorum extinxit, prudentissima modestia semper abstinens à contentioso dicendi genere, & invidiosis in Ordines Mendicantes investivis, quod magnis illis quos modò nominaveram Ecclesiastis, ut rum erant tempora, grave apud multos odium, Romæ accusationes, ac propè exitium legitimus attulisse.

6. Jam B. Joannis labor, doctrina, virtus, & parva tot meritis apud omnes auctoritas altiore merebantur gradum. Itaque Joannis Archiepiscopi commendatione, de communi sententia, in Canonicorum Collegium sanctæ metropolitanæ Ecclesiæ Pragensis adlegitur; simulque ei in eadem S. Viti Ecclesia ante Cæsarem concionandi defertur provincia. Primum illum honorem diu recusavit B. Joannes, diùque cum beati viri modestia pugnatum est; cum verò se eo loco indignum diceret, omnium tamen vocibus superatus est, clamantium, Tantò melior! & digniorem esse, qui non ut ceteri honores quæreretur, sed ab honoribus quæreretur. Compluribus igitur annis in Ecclesia S. Viti Bohemi-















hemici Ecclesiastæ munus B. Joannes jam Canonicus obiit: eumque non modò Rex & aula universa, sed iidem, qui olim in Tein concionantem audierant, sequebantur. Præcipuum concionum argumentum poenitentia scelerum fuit; tum adversùs licentiam nobilium & Aulæ, adversùs ebrietatem quæ tum invaluerat, adversùs luxum ac ceteros corruptissimi illius seculi mores contentio, & poenarum cœlitùs infligendarum repræsentatio. Nondum Wenceslaus Imperator ad imum malorum devenerat. Itaque viri doctrina, sapientia, & interioribus litteris captus, & eloquentia victus, audito Joanne multa faciebat.

7. Tradunt veteres memoriæ, cum fortè per id tempus Sedes Episcopalis Litomislj in Bohemia vacaret, Joannem à Rege ad eam Cathedram ante omnes fuisse destinatum: at is multis in speciem probabilibus causis allatis, Cæsarem ab ea cogitatione dimovit. Præpositi exemptæ Ecclesiæ Wissehradenfis dignitas eo tempore in regno par erat dignitatibus primis: Princeps regni Cancellarius, primus post Archiepiscopum regni Primatem, Præpositus Ecclesiæ illius (quæ ingenua uni Romano Pontifici immediate subiecta est) habebatur: adde opum ingentem vim, nam annui proventus ad octoginta florenorum Hungaricorum millia ascendebant: summa profectò præstans, quæ, nondum apertis navigatione Indiis, alterum tantum hodie conficeret. Hæc ipsa dignitas Præpositi à Wenceslao Rege ac Cæsare B. Joanni oblata est, sed & hanc repudiavit, quod abstrahi à lucris animarum & à sacris concionibus, quibus inflammabat omnes, gravissimum duceret. Sed Eleemosynarii munus (dignitas est in Aulis Regum usitata & gratiosa) à Rege & Regina magno honore & comitate verborum oblatum, ne omnia aspernari videretur, & honorum contemptio in superbiam verteretur, accepit: eoque in munere ita sese probavit, ut ejus dexteritatem & solertiam & integritatem aulici, misericordiam pauperes, prudentiam & in distribuendo justitiam commendarent omnes.

8. Crescebat in dies viri sancti auctoritas : itaque Imperatrix. Joanna nomine, Alberti Bavariz Ducis & Hollandiz Comitiss filia, matrona candore animi, morum innocentia, pietate ac ceteris Reginarum virtutibus spectatissima, quæ B. Joannis sacra dictione mirum in modum tenebatur, & validissimè ad omnem virtutem incitari se sentiebat, hunc sibi conscientiz suæ arbitrum, hunc vitæ magistrum, hunc patrem delegit. Valuit ad plures exemplum. Religiosæ Virgines in Parthenone sacro ad D. Georgium in Arce Pragensi, & ipsæ B. Joanne ducente & docente ad summum religiosæ perfectionis apicem, non tam passibus, quàm volatibus ferebantur. Veteres quædam memoriæ addunt: B. Joannem Metropolitanæ Ecclesiæ Decanum electum esse hoc tempore. At cum inscriptio Sepulcri hoc titulo careat, & meliores codices non subscribant, credibile est errorem subesse. Id certius : in B. Joanne sanctam Pragensem Ecclesiam oraculum quoddam doctrinæ, atque, ut sic loquar, sententiarum Magistrum habuisse. Tanta enim erat de viri virtute & sapientia apud omnes existimatio, ut quidquid B. Joannes consultus statuisset, id partes velut æquitatis plenum probarent, ac sine contradictione sequerentur. Atque ejus rei veteres quidam codices faciunt fidem, ubi in causis difficillimis, quæ per sententias judicum diu finiri non poterant, Joannes Nepomucenus senior (nam alter Joannes Pomuk Decretorum Doctor, Canonicus Wissehradensis & Archidiœceseos Vicarius Generalis, primum post B. Joannis mortem florere cœpit, post annum M. CCC. XCVI.) noster, inquam, B. Joannes arbiter, atque ut illi loquuntur, laudator eligitur : idque Beatum virum fiducia doctrinæ & pacis amore sæpius suscepisse, ac liberè pronuntiasse, ex sententiis ipsis, quæ recitantur, cognoscimus.















## C A P U T I I.

### *B. Joannis ob servatum Confessionis arcanum frustra torti ac demum in flumen mersi exequia.*

9. **I**Nterea Wenceslaus Cæsar ( ut lubrica omnis nequitia est , & in descensum & casum præceps ) quotidie seipso evadebat deterior. Reginam Joannam , quam præsentem oderat & ferre non poterat , eandem absentem miserè deperibat. Pravum de se & præpostera educatione corruptum Wenceslai ingenium ( ut fert multorum opinio ) philtris quibusdam magicis efferaverant , & prorsus insanum ex pravo fecerant , scelerum regionum administrari. Non est hic locus licentiosam illam , cruentamque & maculis foedè notatam regis vitam describendi : Annales eorum temporum consulantur. Annus agebatur post Christum natum M. CCC. LXXXIII: Regina , Wenceslaus quotidianis sceleribus offensa , cum nullum amplius ex rebus humanis Solatium caperet , neque per mariti suspiciosos oculos capere posset , crudelitatem ejus perhorrescens ( maxime quòd etiam mensam dapésque regias , cædibus procerum & sanguine respergere pro deliciis & bellariis habebat ) quod tutissimum videbatur , omnem mundi amorem abjicere , uníque se Deo totam ( quantum vita conjugalis sineret ) donare constituit. Nulla res ita animum divino amore semel occupatum Deo adstringit , quàm gravis , diuturna , & quam tuo capiti continenter impendere videas , calamitas. Itaque Regina sacrum tribunal adire frequentius , cum lacrymis minimas quasque labeculas aperire , affligtare sese , egenorum curam suscipere , iisque dum liceret , ministrare , Deum assidue cogitare , precari , ut meliorem conjugii mentem daret , diu noctúque orare.

10. Quod Wenceslao , si saperet , placere debuerat , id vertit in odium ; incessit deinde libidinosum & ex libidine furiosum Regem cupido , si quo pacto rescire posset , quid Regina ad Sa-

cerdotem expiandum afferret, quas præcipuè noxas haberet, quid de marito unquam cogitaret, an quem alium amaret, aliâque hujusmodi, quæ sibi stulta tyrannis, amore accensa, & suspicionibus cincta, potest & solet confingere. Sed hæc ab ipsâ Regina interrogando exprimere frustraneum erat. Vocat B. Joannem, quem unum omnibus Reginæ consiliis intimum esse sciebat. Post multas verborum ambages, quasi aliud ageret, mentione Reginæ injecta, paulatim ad Confessionem sacram delabitur; uxorum eam esse conditionem & subjectionem, ut earum omnia maritis nota esse oporteat, maximè in familiis Regum ac Cæsarum; opes deinde, honores & quidquid felicitatis unquam Joannes expectare posset, verbo regio pollicetur, si induceret in animum, vel pauca quæ Joanni Regina in sacro Pœnitentiæ tribunali aliquando aperuisset, uni sibi concedere; id verò sibi pro omni, in tot Regiis Cæsareisque curis, solatio fore. Exhorruit ad sceleratas preces vir beatus, & gravi liberâque oratione quantum crimen posceretur ostendit; damnaret proinde curiositatem suam Rex, & quod fieri non posset, desiderare omitteret. Commovit objurgatio sancta sulphuratum, ut ita dicam, Principem: repressit tamen sese, cum cogitaret, sæpe qui in primo assultu & hostium conatu fortes sese probârint, ad secundum, & tertium mollescere ac vinci; primam hanc admotam esse machinam, quæ si non processerit, fortio rem se admoturum, quæ etiam nolenti, victoriam facile extorqueat.

II. Nec diu absuit, quod ægrum animum exulceraret magis. Fortè cocus regius caponem malè assum ad mensam Regis miserat. Ea res improvisa in tantam egit rabiem Wenceslaum, ut naturæ humanæ & omnis humanitatis oblitus, cocum protinus alligatum verubus, flammis admoveri jussit. Perculsi barbara crudelitate aulici omnes horrebant, pallebant, sese mutuo intuebantur: videbant, si quid paululum titubassent, eadem sibi supplicia constituta: Sed nemo erat, qui crudelitati Regiæ inter-















intercederet. Unus B. Joannes, qui tum versabatur in aula, & silere & loqui in tempore doctus, postulato & impetrato ad Cæsarem aditu, verbis primùm mollibus negotium tractare; cùmque apud iratum & impotentem Principem nihil valerent, gravioribus sententiis facti atrocitatem explicare cœpit. Paucissima protulerat: confestim irritabilis & crudelissimus Princeps Satellites in-clamat, nullâque Sacerdotalis Ordinis reverentia, nullo etiam ad seipsum & majestatem regiam respectu, Joannem rapi, & in ultimos carceres trudi jubet. Ibi aliquot dies squallore & horrore loci, tristissimisque tenebris, tum fame & siti propè enectus exegit; in Deo solo acquiescens, eoque lætus, quod pro ejus honore & amore dignus esset habitus & carceres & contumeliam pati. Non ignorabat B. Joannes, quod Regis ira spectaret: nam etiam carceris custos monuerat, unam esse salutis viam, si Cæsari morem gereret, & ad ejus se voluntatem accomodaret. At Beatus Martyr contra obfirmârat animum, & millies discerpi ac mori quàm verbum ex Confessione sacra efferre decreverat.

12. Pauculi intercesserant dies, cùm ecce honoratus vir ex aulicis à Rege missus apparet, nuntiat; Regem eorum poenitere, quæ in Joannem illiberaliùs admisisset: proinde Cæsari petenti donaret injurias, oblivisceretur quæ gesta sint, ac liber abiret; sed ut firmior esset receptus ad gratiam, cras ad mensam Regis ne gravaretur accedere. Venit Joannes, summâque honoris significatione mensæ Regis adhibetur. Remotis mensis & arbitris, Cæsar iterum, cur ad se accersiri jusserit, aperit: quiescere se non posse, aperiat tandem quæ Regina in sacra exomologesi in aurem dixerit, ex ordine omnia; miscet blanditias, pollicetur silentium; modò dignitates & præmia offert, modò carnificinas omnes minatur: nolit iram priùs experiri quàm gratiam. B. Joannes excelfo animo honores perinde ac minas contemnere, Confessarii munus explicare, silentii sacrosanctam legem extollere, pœnas temporales & sempiternas iis, qui secretum non tenuerint, pa-

ratas exaggerare ; denique Regem monere , abstinere captandis, quæ uni Deo cognoscenda servantur ; sine Sacrilegio talia tentari non posse ; in ceteris omnibus Regis imperia adorare se, unum hoc deprecari, quod si mille mortes subeundæ essent, non faceret. Rex iracundia ardens, sine mora carnificem (quem semper habebat ad manum, & patrinum per delicias appellabat) cum sociis adesse jubet : à quibus in carcerem tractus crudelissimè in catasta jussu Regis extenditur, & facibus admotis torquetur. Aduisse supplicio Cæsarem (etsi id à nemine traditum legerim) cetera ejus vita probabilem conjecturam facit ; quòd ejusmodi spectaculis oblectari & oculos pascere solitum accepimus, tum etiam quòd sine dubio speraret in tormentis auditurum se tandem, quæ numquam antè Joannes in publicum efferre voluisset. At vir Beatus & Christi Martyr, abstracta quantum licuit à suppliciis præsentibus mente, Sacra Jesu & Mariæ nomina ingeminans, nullum aliud verbum prolocutus, dolores omnes suos, vitam & mortem Domino commendabat. Nihil sibi diligentia ad summam diritatem reliquum fecere cruenti carnifices, præsertim Cæsaris urgente præsentia : omnis tamen illa carnificina intra B. Joannis patientiam fuit. Denique cum proficerent nihil Cæsare ipso abeunte, fessi & victi desistunt, ac de catasta depositum deferunt. Veteres codices cœlesti consolatione recreatum Joannem tradunt : at qualis ea consolatio fuerit, an interna quædam ad animum divinitus illapsa, an etiam externa, ex sanctorum Angelorum colloquio, aliòve cœlesti aspectu (ut sæpe aliis viris sanctis evenire in eorum gestis legimus) non explicuerunt.

13. Post hæc Imperator, sive nequa res emanaret veritus, sive Imperatrice agente, quæ fortassis beatum virum attineri inaudierat, quem ipsa patris loco habebat ; Joannem dimittit. Joannes, quasi nihil injuriæ passus, omnes illos dolores & cruciatus silentio concoxit, nulli suorum aperiens : & curatis quæ tormenta fecerant, vulneribus, processit in publicum ; tum vetera sua munia,

































munia, majori quàm unquam antè spiritus ardore cœpit repetere, eo pacto sese comparans ad mortem, quam vel cœlesti admonitu, vel ex ipsa importunissima Wenceslai Regis natura & humani cruoris avidissima iracundia, paulò post inferendam sibi dubitare non poterat. Ad stationem itaque suam reversus, cùm ad concionem in Ecclesia S. Viti diceret; verba illa Christi, Modicum videbitis me, &, jam non multa loquar vobiscum identidem repetens, vultu læto & facili, mortem sibi, pro Christi & Ecclesiæ legibus oppetendam, disertè prædixit: tum cœlestibus oraculis patefacta semel via, spiritu prophetico plenus, lacrymis uberim fluentibus, futurum Bohemiæ statum, & venturas brevè calamitates cœpit describere: hæresin ab inferis suscitandam, cui sacra & profana perinde essent, nullumque facerent discrimen; ecclesias omnes & cœnobias per Bohemiam arsuras, quædam etiam dejicienda manibus; sacros & religiosos viros omnibus tormentis excruciatos perituros; denique exitium universæ Religionis instare. Poene incredibilis res visa, felicem eo temporis Ecclesiæ Bohemicæ statum, & opibus & potentia summa florentem Religionem cogitantibus. Extrema oratione vale omnibus dixit, ac præcipuè à Prælatiis & Canonicis Ecclesiæ Pragensis humillimis verbis veniam poscens, & se vitamque suam ac vitia multis accusans finivit, magno luctu, & in re tam nova & tot vaticiniis, cum admiratione omnium auditorum.

14. Paucis post diebus B. Joannes Boleslaviam, ad antiquissimam totius Bohemiæ Divinæ Matris effigiem, à Sanctis Slavicæ Gentis Apostolis Cyrillo & Methodio Christianis traditam & commendatam, quæ eo loci religiosissimè colitur, iter suscipit. Hic quàm liquido pietatis & amoris sensu cœli Reginam (cui à prima ætate consecraverat sese, & in qua spes omnes suas habebat repositas) orarit, ut sibi paulò post morituro adesset, ut Filium propitium redderet, quisque ex Joannis in Dei Matrem veteri amore, ex periculi ingruentis magnitudine, ex vicinæ mortis hor-

horrore; vel de se conjecturam facere potest. Pragæ vespertinis horis revertentem Boleslavia Joannem, Wenceslaus Cæsar, tum fortè ut erat otiosus Princeps, è fenestra prospectans observat; recurrunt extemplo furioso Principi omnes illæ tristes de Regina Joanna Coniuge imagines, dolet acceptæ toties à B. Joanne repulsæ, neque jam animum regere poterat. Ergo non hominem, sed malum dæmonem spirans, mittit continuò qui Joannem accersant: neque multis, ut in præcipiti ira, verbis est usus: Audi, inquit, Sacerdos, moriendum tibi est: nisi è vestigio jam hic conjugis meæ Confessionem, & quidquid umquam illa tibi confitens dixit, ex ordine exponas: actum est, peristi. Juro Deum, aquam potabis: merfionem in flumine ea voce Cæsar volebat intelligi. B. Joannes, indignum ratus ea de re toties obtundi, non verbis, sed toto capite & severo vultu Sacrilegium averfatus est. Vix signum dederat Imperator, jam sanctissimum virum validissimi satellites circumstant, Rege vociferante; atque inter manus in aliud cubile sublimem deportant. Vetusti codices significant silentium supplicio quæsitum, & vitatum esse populum, ne quis arbiter interveniret. Nocte igitur ad Pontem, qui Pragenfi flumini Moldavæ impositus urbes duas Majorem & Minorem conjungit, deducitur; tum manibus & pedibus vinctis (quod disertè expressum legitur) in subiectum flumen ex ponte dejicitur in pervigilio Ascensionis Domini Anno M. CCC. LXXXIII.

15. Mortem quam occultissimam esse Cæsar voluerat, cœlestia statim prodidère miracula. Ignes & flammæ, quæ olim B. Joannem nascentem significaverant, mortuum cinxerunt; totus continuò Moldava fluvius reluxit. Videre erat innumera, & mirandoris, lumina innoxie toto fluvio innatare, commodum enim id temporis excreverat flumen, & latius atque altius fluctus attollebantur, corpus verò B. Martyris, secundo flumine lentissimè descendens, numerosiores & exporrectæ magis comitabantur faces, inde aliæ aliæque faces sequebantur, quasi pompam funeris deducerent.









cerent. Effusa ad spectaculum Pragensis civitas quid factum esset, aut quid fieret, cogitabat. Reginam quoque Joannam, ex arce Regia despectantem, & omnis rei hactenus ignaram, tam novum spectaculum attraxit. Cursu illa ad Cæsarem maritum contendit, miracula luminum ostendit, & innocenti simplicitate, quæ istud sibi ostentum velit, interrogat. Percussit illico animum sceleris conscientia, & viso cœlesti miraculo velut fulgure ictus propriuit ex conspectu sese, ac seu timore seu dolore, vero aut ficto, triduum publico abstinuisset dicitur, neminem nisi necessarium admittens. Tota illa nocte circum corpus beati Martyris luxerant flammæ, sed dies, quid factum esset, ostendit: jacebat in arena corpus exanime, suo in habitu, vultu placido ac renidenti, decentissimè compositum. Statim tota urbe spargitur rumor, neque diu cædis auctor latere poterat, cum plura ejus crudelitatis Cæsar edidisset exempla: ad hæc conscii, carnifices, aulici, satellites nesciebant tacere. Tandem ad Canonicos Metropolitanæ Pragensis Ecclesiæ atrocis rei fama pervenit. Ii protinus adornata supplicatione, sanctum Fratris sui corpus ex flumine summo honore levantes, ad proximam ecclesiam sanctæ Crucis, Religiosorum quos vocant de Pœnitentia, tantisper deposuerunt, dum gloriosius sepulcrum in ecclesia Metropolitana pararetur. Hæc Canonicorum pietas, cum insigni animi fortitudine conjuncta (quis enim cruenti & tam irritabilis Principis iram non pertimesceret, aut suspectam habere non posset?) sine præmio non fuit. Cum enim loculum in ecclesia S. Viti effodiunt, thesaurum divitem, & multa auri argentiq̃ue talenta ac rerum ceterarum pretia defossa reperiunt; quasi sanctus vir, pro tumulo & sepulcri honore, hanc ecclesiæ & Canonicis deputasset mercedem.

16. At inferiùs in sanctæ Crucis ecclesia innumera hominum vis ad sacrum corpus videndum affluxit, primusque ille cultus beati Martyris à populo fuit: constantiam & fortitudinem prædicare, pedes manusque certatim osculari, ejus sese precibus









cerea nullam ex tot & tantis malis evadendi viam cerneret, in gravem animi ægritudinem lapsa, carpi paulatim coepit, & quarto abhinc anno, nulla edita ex se prole, contabuit, mortua anno M. CCC. LXXXVII. die 1. Januarij, ut contra Hagium ostendit Lupacius.

### C A P U T I I I.

*De veneratione & cultu, qui Joanni, velut Beato & Martyri, ab omni memoria tribuitur.*

17. **N**on erit abs re forsitan, priusquam ad miracula B. Joannis percensenda veniamus, pauca quædam de publico ejus apud nos cultu præmittere. Sciendum in primis est, etsi B. Joannis memoria nullo neque Sacrificio, neque divino officio honoretur in templis (quod sine sanctæ Sedis Auctoritate fieri non solet) reliqua tamen omnia, quibus Divorum nomina consecrantur, ad sacrum ejus tumulum adhiberi. Itaque quoties ad salutandos sanctos Bohemiæ Patronos, Vitum, Wenceslaum, Sigismundum, Adalbertum, eorûmq; tumulos in Metropolitana ecclesia honorandos, Proceres, Nobiles, Sacerdotes, Prælati, Canonici, Religiosi, Matronæ, verbo, minimi maximique conveniunt, B. Joannis tumulum nunquam omitti videas. Hic provoluti in genua supplicant, preces ad eum fundunt, ejus opem implorant. Suspensa est ad tumulum tabella, latino, Bohemico, & Germanico idiomate, in qua oratio majusculis litteris ad B. Joannem Nepomucenum descripta est: eam recitare populus consuevit. Pendent hinc inde cerea lumina, & varia anathemata; tum B. Joannis imago radiata. Tumulus cratibus ferreis duplici ordine præmunitur: laminis depictis, in quibus Joannis nomen legitur, additur vox Martyris & Beati: lampas ab omni memoria tumulo imminet, ardétque: alias faces cereas ferè quotidianâ

piorum hominum devotio accendit : earum quædam humani corporis magnitudinem æquant : his facibus consumptis, novæ aliæ liberaliter apponuntur, ab iis præsertim, qui se ad B. Joannis tumulum cœleste aliquod beneficium accepisse lætantur. Sere-  
nissimus Leopoldus, Austriæ Archidux, candelabrum perelegans (de quo postea sermo recurret) huic Divo statuit, & in eo B. Joannis effigiem æream cum ceteris Bohemiæ Patronis affabre fieri fecit. Reges ac Principes nostri B. Joannem coluere semper : Ferdinandus I. Imperator, quoties Pragensem adiret ecclesiam, ante hunc tumulum genua ponebat : idem acitasse pium Principem Ferdinandum II. atque etiam III. multi meminerunt. Hic postremus, Cardinale Archiepiscopo Pragensi Ernesto II. in consilium vocato, sæpius de publico B. Joannis cultu, deque ejus ab Apostolica Sede petendo canonismo (ut vocant) egisse narratur : sed piam optimi Cæsaris mentem primum bella, deinde mors abrupit.

18. Jam verò imagines B. Joannis æri incisæ habentur in manibus : in his & Beati titulus Joanni apponitur, & capitis apex ardens cœlesti lumine ac circumfusus radiis spectatur. Neque honores isti nuper inventi, novique dici possunt : sed jam ab ipsa statim morte, & ab omni memoria hodie viventium hominum, & ab omnibus impensæ. In Sacratio Ecclesiæ Metropolitanæ Pragensis ara quædam est : super eam (ut fieri solet) depictæ in pariete antiqua manu Sanctorum Bohemiæ Patronorum, Viti, Wenceslai, Adalberti, ac ceterorum visuntur imagines : pictura (quod appositi indicant numeri annorum, & pingendi ipsa ratio seculis nostris ignota) centum & octoginta annos superat antiquitate. Has ergo inter imagines Divorum Joannes Nepomucenus palmam sustinet manibus, radiato capite undique illustris. Neve dubitare possis, quem cogitarit artifex, & quem Canonici depingi jusserrint ; trabalibus litteris titulus legitur ; S. Joannes Nepomucenus. Paucis passibus à B. Joannis tumulo in Ecclesia Metropolitana Pragensi

genſi capella ſeu Sacrarium eſt , pretioſis imaginibus ab arte , & mauſoleo Berkarum Baronum Bohemiæ antiquorum ſpectabile : in eo Sacrario , ſub marmore porphyretico altè èducto , conditus jacet Joannes Wlaſſimius , ſecundus ab Erneſto I. Archiepiſcopus Pragenſis. In capellæ altari venuſtiſſimo certis diebus Sacra faciunt Sacerdotes : altaris titulus , manu propria Caſpari Arſenii , ſacræ Theologiæ Doctōris & Eccleſiæ Metropolitanæ Decani ſcriptus , hæc habet : Anno M.DC.XXI, XVI. Julij per Illuſtriſſimum & Reverendiſſimum DD. Joannem ejus nominis tertium , Archiepiſcopum Pragenſem , conſecratum eſt altare in capella è regione ſepulcri B. Joannis de Nepomuk , Confeſſarii , in honorem Viſitationis Beatiffimæ Mariæ Virginis , ac ſanctarum Virginum & Martyrum Luciæ & Otiliæ , nec non S. Clementis Papæ & Martyris , & B. Joannis Nepomuceni , in quo incluſæ ſunt iſtæ Reliquiæ &c. Hanc tabellam Arſenii à ſe deſcriptam , nuper mihi dedit in manum Reverendiſſimus D. Thomas Joannes de Czecho-rod Metropolitanæ ejusdem Eccleſiæ Decanus , Archidiaceſtos Pragenſis Officialis &c. vir officio , libris editis , aliisque meritis clarus , eumque titulum in hanc hiſtoriam juſſit imponi.

19. Jam & ſcriptorum noſtrorum omnium , in aſſerendo B. Joannis Martyrio & ſanctimonia , conſentit auctoritas. Videatur Dubravius Olomucenſis Epico-  
pus , Hagecius Eccleſiæ Collegiatæ Boeſlavienſis Præpoſitus , pluresque alii. Simon Fagellus , Eccleſiæ Collegiatæ omnium Sanctorum in caſtro Pragenſi Decanus , qui ante centum & quod excurrit , annos de Sanctis Bohemiæ Patronis Hymnos ſcripſit typiſque vulgavit , Hymnum unum cum titulo ad B. Joannem Nepomucenum concinnavit , verſu præ ætate illa non planè inveniſto. Georgius Bartholdus Pontanus , Metropolitanæ Pragenſis Eccleſiæ Præpoſitus , Joannem Nepomucenum Beatum Martyrem appellat. Eamdem appellationem tribuunt ceteri ſuperiorum ætatum , atque etiam hujus noſtræ ſcriptores ; ut venerabilis Pater Albertus Chanowsky , vir Apoſtoli-

cus (qualem Vita ejus nuper ab amicissimo viro R. P. Joanne Tanner edita satis ostendit) tum Georgius Ferus ejusdem Societatis, plurésque alii.

20. Pridem narraveram B. Joannem Nepomuci in Bohemia ortum esse. Ex ea igitur domo, in qua Joannes primùm vitæ lucem aspexit, oppidanorum pietas facellum B. Joannis honori statim ab ejus morte exstruxit: traduntque veteres memoriz, neminem in ea domo nocturnam quietem capere potuisse, omnésque infomniis fatigatos semper coactos abscedere, donec ea in Sacrum verla fuisset. Nostra ætate Illustrissimus Baro Franciscus de Sternberg, Nepomuci Dominus, R. P. Georgio Fero incitante, facellum hoc, vetustate paulatim concidens, totum dirui jussit: novamque & formosam ecclesiam B. Joannis Nepomucensis honori magnis sumptibus exstruxit. Benedici ecclesiam illam Ernestus Archiepiscopus Pragensis & Cardinalis per alios voluit, cum ipsemet per invaletudinem adesse & consecrare non posset. In summa novi hujusce templi ara B. Joannis imago radiata conspicitur, atque in veneratione habetur. Per hanc recens exstructi templi causam idem R. P. Georgius Ferus Anno M. DC. XLI. libellum edidit, quem Famam posthumam B. Joannis Nepomuceni inscripsit: in quo venustis imaginibus, summo pictore Carolo Sclera Bohemo operam commodante, vitam & mortem B. Joannis brevissimis titulis triplici idiomate Latino, Bohemico & Germanico comprehendit. Aditur B. Joannis ecclesia multis supplicationibus: parochi à multis passuum millibus ad certam diem ab operibus vacuam, Dominicis inter Pascha & Pentecosten, populum adducunt: idque agitur à tempore immemorabili. Sacra de B. Joanne non leguntur quidem, sed de sanctissima Trinitate: concio tamen ad populum de B. Joannis virtutibus habetur. Appensa visuntur ad ejus aram anathemata plurima, fatenturque diversi ejus se meritis varia beneficia cælitus impetrasse. Pro comperto est, si campi siccitate laborent, supplicatione una alterave  
ad















ad hanc ecclesiam publicè ducta, pluviam impetrari celeriter. Cantio quædam pervetusta de B. Joanne per hanc viciniam circumfertur, quam plebs rustica modulatur libenter, B. Joanni pecudes suas & jumenta cetera commendare solita, opémque sentire. In peste, quæ Bohemiam anno M. DC. XLIX. pervagata gravissimè afflixit, omnes, qui sese Nepomuci B. Joanni commendârunt, periculo sunt erepti.

21. Præter quoque B. Joannis tumulus, ut ante dixeram, in summo habetur honore : & quamvis imperiti quidam & in religione nimium cauti timidique, ipsius religionis prætextu, in B. Joannis veneratione obturbare aliquid tentârint ; populus tamen ceterique omnes de constantia justæ pietatis dimoveri non potuit, rediitque semper sua B. Joanni gloria, quidquid unus & alter timidi conarentur. De ejusmodi vetusta religione & cultu Beatorum antiquo, optimè dixit vir eruditissimus, & in gestis Divorum describendis & illustrandis diligentissimus, rerumque istarum peritissimus, Godefridus Henschenius: Venerationi Divorum, inquit, à tempore memoriam unius sæculi excedente, Urbanus VIII, Pont. Max. nihil voluit derogatum, quò minùs perpetua deinceps esset. Jam B. Joannis cultu ab antiquitate probato, ad miracula, ad ejus sacrum tumulum patrata, faciamus gradum : simul illud patebit, quàm meritò tantus eidem à populo cultus habeatur.

## C A P U T I V.

*Mira quædam ad B. Joannis tumulum patrata & beneficia cœlestia omnis generis.*

22. **T**OT ac tanta B. Joannis interventu beneficia cœlitus impetrata fuisse tradunt manuscripta memoriæ, ut ex iis justum librum majores nostri confecerint, qui in sacrario Pragensis ecclesiæ servabatur. Citare cum librum Wolfgangus Chanowsky

ky de Longavilla, Ecclesiæ Metropolitanæ Canonicus, vir illustris, qui anno M. D. LXXXIII. moriens, ejus Beati amore, non procul ab ejus sacro tumulo, ut conderetur, impetravit. Scribit is, in illo miraculorum libro, B. Joannem Nepomucenum Thaumaturgum Bohemiæ appellari: cæcum ad ejus tumulum recepisse visum, alios præsentissimam opem sensitse, alios in vitæ mortisque confinio stantes, quosdam etiam ad supplicia mortis Judicium sententiis damnatos, beati viri, quem invocabant, auxilio, mirabiliter evasisse mortem. Addit, plura se non describere, quod liber sit obvius, quem tamen una mecum ecclesiæ Ministri omnes invenire non possumus, & subtractum ex oculis, ob hæresim nuper regnantem, dolemus.

23. Illud permirum, neque minùs certum & pervulgatum: quicumque B. Joannis tumulum calcârint, præsertim si contempserint, eos ipsa die infamiam incurrere, & vitare non posse; ad omnium Catholicorum Pragensium nostræ & superioris ætatis consensu, atque exemplis plurimis constat. Anno M. D. LXXXVIII, cum Radzivilus Princeps, Regis & Polonæ Reipublicæ nomine, Legationem apud Rudolphum II. Cæsarem obiret, accesserat Pragæ Magnificus D. Christophorus Sluska Palatinus Vindobonensis (Catholicus ne an hæreticus à Theophilo Cristecco, Collegii S. J. ad S. Clementem Rectore id temporis, cujus chirographum eodem anno conscriptum habeo, non traditur) sed vir hic dignitate clarus, Metropolitanam Pragensem Ecclesiam aliquando ingressus, aliis ecclesiæ monumentis curiosè lustratis, ad sepulcrum B. Joannis adducitur. Narrat Palatino, qui ducebat, Canonicus, mirabilem hunc esse tumulum; nam si quis calcâset, eo die pœnam non effugere. Risit Palatinus, & confestim pede tumulum pressit; gloriosum existimans (ut ingenia sunt) quæ ceteri timerent, calcare. At ecce è vestigio, quasi percuti frontem & turbari mentem sentit; turbationem persentiscens templo egreditur. Equum & currum Domino adduxerant famuli (numerofo enim satellitio  
vir

vir inter suos admodum potens cingebatur) equum primo nominat : sistitur. At ecce, quasi intemperiiis ageretur, à dextra equi parte tentat adscensum : ascendit denique & evadit in equum. Equus neque hortatu ullo neque stimulo moveri se loco passus est. Ergo descendere equo cogitur, currumque conscendit : sed nulla iterum vi, quidquid agerent aurigæ, vel passum promovere poterant. Tandem pudore confusus Palatinus, spectante & vidente Cæsaris aula ex arce, toto illo & impedito itinere pedibus confecto, multum admirans, & quid actum esset secum versans, ad hospitium in urbe reversus est.

24. In Vita venerabilis & Apostolici viri Alberti Chanowsky Societatis Jesu aliud exemplum legitur, quod verbis ipsius nostri scriptoris audire placebit. Dum Pragæ Albertus Grammaticæ daret operam, essetque annorum quatuordecim, pater ejus Joannes Chanowsky Pragam advenit, cumque eo Sanctorum æ præcipuè Bohemicæ Patronorum Corpora venerationis ergo visitavit. Accidit verò, ut etiam ad B. Joannis Nepomuceni monumentum venirent : ubi referente patre didicit, quantæ locus esset venerationis, quantæ martyris illius honor Deo curæ, quam certa eorum poena qui terram illam protervè conculcare audent : adeò ut virgini cuidam sacrum illud sepulcrum pede protervo calcare impudenter ausæ, dum maximam inter populi frequentiam per pontem Pragensem domum rediret, exorto repente vehementi vento, quasi quodam turbine involuta vestis seu toga, in altum sit ab imo elevata cum incredibili virginis pudore. Ad hæc cogitare cœpi (juvat P. Albertum hæc de se scribentem audire) facile id contingere potuisse feminæ, sed viro aut puero qua ratione aliquid simile contingere posset? Quare experiundi gratia, cum eo tempore adhuc clathra circa sepulcrum Sancti essent rara & demissa, pedem eò data opera imposui, ita ut sepulcrum calcarem. Accidit autem, cum ad antiquam urbem per



parvum pontem rediremus, ambulando sequebar parentem : & ecce incidi in latentem quamdam foveam usque ad genua, quæ Pragæ solent esse in plateis hieme ex congesta glacie & nivibus ; & ferè illic calceum reliqui, atque iridente me omni populo, pudore insigni fui suffusus. Et veniens ad pontem Pragensem, prope imaginem Crucifixi, illic recidi, & in luto circumquaque in pallio meo obvelutus fui ; & quasi cum interiùs hanc vocem audi- vi : In hoc loco ille Sanctus de ponte iu aquam fuit præcipitatus & submersus. Summo autem pudore affectus fui, mirantibus & ridentibus hominibus, quid & cur & quomodo hoc mihi accidisset. Hæc venerabilis Pater Albertus Chanovvsky manu propria.

25. Alia eaque longè gravior pœna secuta est Calvinianum hominem, Wenceslaum Wilhelmum de Raupovva Baronem, rebellionis quæ in Bohemia ab exteris ferè hominibus Comite Turriano & Hohenloo, item Felsio aliisque novis Bohemais incellis, fœdo incepto, ac fœdiore exitu mota est, haud postremum incentorem. Hic cum aliquando in Ecclesia Metropolitana S. Viti, velut in profana domo, cum sociis otiosus inambularet anno M. DC. XIX, in B. Joannis tumulum fortè incidit. Recurrit homini vetus de eo sepulcro traditio ; quare multùm Catholicorum stulticiam, ut putabat, demirans & deridens, qui rebus tam vanis tenerentur ; tumulum B. Joannis calcit, & quasi nihil egisset, cetera idololatriæ Catholicæ, ut ipsi appellant, monumenta perlustrat, neque multo post templo egreditur. In ipso templi limine famulus anhelans cum tristi nuntio accurrit ad Dominum ; filium, quem Rappovva habebat unicum, hoc momento inopinatè exspirasse. Nimirum eodem temporis articulo Deus contemptum servi sui B. Joannis morte unici filii vindicavit. Discite justitiam moniti & non temnere Divos. Atque utinam hunc finem vindictæ, divina habuisset ira ! Constat inter omnes, post annos plurimos





mos Raupovvam hæreticum actum in rabiem, dum homines stricto ferro insectatur, miserè Litomericii periisse. De hac Raupovvæ scelerata temeritate, ne dicam magis, deque poena irrogata, est inter manus meas Testificatio legitimè confecta, annulo familiaris illustrissimæ signata, chirographo firmata, quam Illustrissimus Comes Zdenko Wratislavv de Mitrovicz, Vilemovii, Zerotinii Dominus, & Slanensis districtus Præfectus, anno M. DC. XLVIII. confecit: qui & familiariter Raupovvam novisse, & hæc omnia sibi constare per animi sui conscientiam testatur.

26. Venio nunc ad narrandum exemplum, quo tristitia ad B. Joannis tumulum accidit nullum. Ac nescio sanè quid illud esse oporteat, quod tanto semper odio in B. Joannis memoriam & sepulcrum hæretici ferantur. In illo, de quo modo dixeram, hæreticorum in Bohemia regno, post annum M. DC. XVIII, cum Calviniani Pragensis Ecclesiæ Metropolitanæ dimidium, partem scilicet posteriorem, occupassent, suæque profana & umbratili Coena contaminassent; habebant illi sine dubio præ oculis sanctorum Patronorum Viti, Sigismundi, & aliorum Divorum corpora, ac ferebant placidè; unius tantum B. Joannis Nepomuceni humilem tumulum videre non sustinebant. Neque modò crates circa tumulum evellere, sed ipsum beati Martyris corpus (facinus profectò etiam in quocumque humano corpore indignum!) exhumare & in communem locum abjicere statuerunt. Sed B. Joannes locum egregiè tutatus est. Mittuntur ad certam diem valentissimi & confidentissimi satellites, quibus id datum erat negotii. Vix Sacrilegium tentarant, & crates ferreas ligonibus convellere coeperant; cum ecce duo, quasi è coelo percussi, repente in terram concidunt: alter omnino exanimis numquam vitam recepit; alter operi præfectus, Anglus homo, epheborum Friderici Palatini (qui sese Regem Bohemiæ ferebat) præceptor, semivivus ac ægrè spirans è templo inter manus elatus, paulo post & ipse miseram

feram animam efflavit: ceteri periculo & damno suorum admoniti, una tantum sepulcri parte cratibus dejectis, opus imperfectum reliquere. Res est tragica, sed eorum testificationibus firmata qui adfuere: quos inter vivit hodiéque senex, campanis in ecclesia S. Viti præfectus, rei gestæ olim spectator: historiâque hæc tota ante B. Joannis Nepomuceni sepulcrum, tessellato opere pereleganter in ligno expressa, cum admiratione peregrinorum spectatur. Recenset hoc etiam triste miraculum Germanicus liber, cui titulus est Veridici, Augustæ anno M. DC. XXX. typis editus pag. 89. & seqq. ac primum Angli illius Calviniani, sepulcrò insultantis sacrilegas voces, tum cœlestem ultionem humi aliso corpore, demum eadem nocte inter horrificas vociferationes ac ejulatus, quasi ab igne aliquo ureretur, infelicissimam mortem multis verbis describit. Adjicitur in eodem libro; paulo ante decretoriam in Albo - monte pugnam, qua hæreticorum res conciderunt, cum anno M. DC. XX. nocte quadam hæretici satellites, in eadem ecclesia, in Christi Crucifixi statuis aliisque Divorum imaginibus dejiciendis strenuè laborarent; à Catholico pióque homine, qui tum aderat & dolenter quæ gerebantur spectabat, visos tres viros humana forma augustiores è sepulcris prodire: primum cultu Regio, alterum Episcopali habitu conspicuum, tertium sacro quidem in habitu, sed ignoto. Hos convenisse unà, ac stantes, quasi de futuro rerum statu capita conferrent, postea amissos ex oculis; nihil dubitari à Catholicis S. Wenceslaum Regem, & S. Adalbertum Episcopum primos duos fuisse, tertium omnes suspicari B. Joannem Nepomucenum, quem tantopere odissent hæretici, quémque exhumare etiam voluissent. Ita liber ille. In re tam recenti fides sit penes auctorem: ad tumulum B. Joannis redeamus.

27. Ob hanc igitur causam, & sæva in calcantes exempla edita, cum jam pridem ferrei clathri ad unius ferè  
 ulnæ

ulnæ altitudinem prætenti essent , Canonici novis aliis cratibus sepulcrum cinxerunt : qui Clathri faciliè tres ulnas altitudine æquant , ut nisi ægerrimè vix esse cuiquam improbo & injurio liceat. Porro Calviniani , tam malè à B. Joanne accepti , quamdiu Pragensi ecclesia sunt usi , tumulum ipsum totum , præstigias in eo latere vociferantes , asseribus & tabulis quibusdam claufere , ne ullo modo adiri , imò ne spectari posset. Obturbare illos , dum ad cœnam in templo sederent , B. Joannes videbatur ; & velut mortualis umbra , nimium odiosus & non vocatus , intervenire convivii. Jam verò hanc ipsam Ecclesiæ Metropolitanæ profanationem , & stantem in loco sancto abominationem ex sacro suo tumulo B. Joannes significavit. Siquidem imminente illa ab hæreticis calamitate , sæpius nocte gemitus & lacrymosæ quædam voces ab imo templi audiebantur : Custodes autem templi , studiosè gemitus illos secuti , animadverterunt non semel , ex B. Joannis tumulo exire. Nimirum dolebat beato viro ( quantum Beati dolere possunt ) dilectam Pragensem ecclesiam tot brevè sacrilegîs profanandam , quæ nunquam antè , ex quo à S. Wenceslao fundata erat , ne quidem Hussii aut postea Rokyczanæ temporibus , hæreticorum impuris sacris profanata fuisset. Sed plures sacri illius tumuli prærogativæ possent adferri : nam aliis quoque temporibus ecclesiæ S. Viti excubitores , ad indicandam fortasse beati viri sanctimoniam & in cœlo gloriam , amabili quadam luce sepulcrum illud cingi , & radiis coruscare viderunt. Neque id mirum : pro thesauro est Pragensi ecclesiæ B. Joannes , ubi verò thesauri lateant , ajunt ignes emergere.

28. Præcipuus B. Joannes Nepomucenus Patronus & Tutor eorum habetur , quibus infamiæ periculum aliquod imminet , quique ne admissum scelus factumve emanet in pu-

blicum, pertimescunt: occurrit enim mirabiliter periculis, & factum abscondit. Exemplum in eam rem publica dare nec possum, nec audeo: quia ut scirem, atque etiam nescirem, ipse Beatus Joannes, qui texit, effecit: sed res est inter omnes contestata: solentque eos, qui afflicti, quo se vertant nesciunt, ad Beati sepulcrum mittere, ut timores suos exponant & commendent. Hujus festinati & toties perspecti auxilii argumento, edita typis pridem oratio est, quæ sub B. Joannis effigie legitur hisce verbis concepta: Præsta quæsumus, omnipotens Deus, precibus nostris, quas in B. Joannis Confessoris veneratione deferimus, pium benignus auditum; ut ejus meritis & intercessione suffulti, ab infamia & confusione temporali liberati, ante mortem reatus nostros sincera Confessione expiare, salutari pœnitentia delere, & portum æternæ salutis contingere feliciter valeamus. Per D. N. Jesum Christum filium tuum. Iis quoque fert opem B. Joannes, qui exitiali verecundia crimina sua in sacro tribunali aperire reformidant: nam ad ejus tumulum supplicantes, audaciam quamdam ad proferenda omnia addi sibi senserunt, idque apertè Sacerdotibus sunt testati. Anathemata ad B. Joannis tumulum plurima olim pependisse meminerunt senes: hæresis Calviniana anno M. DC. XIX. laceravit omnia, aut flammis corruptit. Nostra memoria matres aliquot, ad partum gravissimè laborantes; alii hydrope, alii febribus diuturnis crudelissimè vexati, fuis ad B. Joannem precibus, convalescere, ut anathemata hodierna testantur. Quibusdam ipsa fides & in B. Joannem amor opem attulisse videtur: nam cum alia decissent, pulverem, ex ejus lapide sepulchrali modicè abrasum, ad varios morbos valuisse senserunt.

29. Matrona Illustris (quam nominare nihil attinet) cum aliquando de Sanctis in Metropolitana Ecclesia conditis  
*mentio*

mentio fieret , & nescio quæ ex domesticis puellis B. Joannem Nepomucenum inter eos numerasset ; illa supercilio sublatò , Quem tu , inquit , Joannem nominas ? nihil de illo Roma scit : colitur ille à rudibus perperam , neque forsitan hanc venerationem meretur : nam si sanctus esset , pridem eum Pontifices in Divorum numerum retulissent. Post aliquot dies cum eadem matrona , nihil jam de B. Joanne cogitans , oraret in templo ; reperit in libello precum Beati effigiem capite radiato in habitu Canoniorum venustissimam , quam ante numquam viderat. Paulo post cum domi in scriniolo suo aliud quærit , alia item ejusdem Beati effigies quasi sponte venit in manum. Ea res improvisa ita tenerum matronæ animum vulneravit , ut confestim in lacrymas soluta , B. Joannem Nepomucensem inclamarit. Diéque altero ad Ecclesiam Metropolitanam profecta , Confessione peccatorum præmissa , divinam Eucharistiam sumpsit ; & sepulchro beati Martyris advolta , audaciæ veniam postulavit. Nec omittenda est religiosi cujusdam viri temeritas , divinitus ut videtur castigata. Hic in disceptatione cum socio sui Ordinis inita , negabat rite fieri , quòd B. Joannes à populo coleretur ; addebátque cum stomacho , malè agere eos , qui cum faciliè impedire possent , cultum hominis tam ignoti tolerarent. Nondum abierat dies , en tibi gravem ægritudinem : nulla data causa tremore artuum insolito concutitur ; ac ne mali originem ignoraret , simul ultro succurrit cogitatio B. Joannem de se vindictam sumere. Neque aliud fuit : nam neque tremor , neque dolor posuit , donec æger B. Joannem voto honorasset , ac veniam postulasset. Rem verò , ut secum gesta erat , ipse religiosus vir ad perpetuam memoriam scripto consignavit. Ardet ad B. Joannis tumulum suspensa lampas , ut antè dixi. Ex ea lampade Servus - capellæ ( ita templi Custodem appellant ) oleum omne effuderat , oleique loco aquam puram infuderat.



fuderat, ut focium suum (cui commissa & nutrienda lampas erat) vexaret. Accedit rerum omnium ignarus socius, alter videlicet Æditimus, priore illo procul observante, & benignam sibi focii irridendi materiam oblatam gaudente. Accenditur lampas, aqua sine omni elementorum pugna exardescit, lampas nitidissime lucet. Territus rei novitate ocularis ille servus, fatetur quid egisset: uterque agnoscit miraculum: plures ecclesiæ Ministri advocantur: rem ita se habere deprehendunt, Deum in servo suo B. Joanne glorificantes.

30. Stat super B. Joannis Tumulum candelabrum ex orichalco ingens, cujus pedem artificiosissimis statuis puorum undique ludentium, aliisque imaginibus æreis distinctum, inter cetera spolia, excisa urbe Mediolanensi à Friderico Barbarossa Cæsare, Wladislaus Bohemiæ Rex belli ejus socius, ante annos facile quingentos; quod ex Salomonis templo fuisse diceretur, Pragam attulerat, & ecclesiæ S. Viti donarat. Eum pedem, adjecta nova mole, jam ab annis centum octaginta, antiquitas in candelabri formam eleganter aptavit, & sepulchro B. Joannis imposuit; quod in manuscriptis templi codicibus non aliter, quam Candelabrum B. Joannis appellatur. Id candelabrum nostra memoria ornandum sibi sumpsit Serenissimus Archidux Leopoldus, Ferdinandi III. Cæsaris frater, & statuas omnium Sanctorum Bohemiæ Patronorum, suo quemque in habitu (quos inter B. Joannes noster spectatur) itidem ex orichalco apponi jussit, supernè in orbem quasi in corona stantium gratiosissimo spectaculo effictas à bonis artificibus, ut erat Princeps artium ejusmodi amantissimus & æstimator peritissimus. Hoc opus novum, cum sacrilegis oculis quidam fuissent intuiti, & aurum esse crederent; cupiditate victi, defractam B. Joannis statuam, quæ ceteris videbatur formosior, rapuere. Magnam illis sacrilegium attulit









attulit curam, quippe diu noctūque laniabatur intemperii mens, ut nec somnum nec quietem ullam capere possent. Adacti igitur à monitore & tortore assiduo, quem habebant intus, retulere statuat : & ad tumulum B. Joannis, mox ad sacrum Pœnitentiæ tribunal advoluti, rem omnem Sacerdotibus aperuere.

31. Hactenus de B. Joannis Nepomuceni Vita & Miraculis concinnata Narratio. Porro ne quem sua laude defraudem, præcipuam mihi materiam suppeditavit Perillustis & Reverendissimus Dominus Joannes Ignatius Dlauhovsky de Longavilla, Protonotarius Apostolicus, sanctæ Metropolitanæ Pragensis, neq non exemptæ Wissehradensis, & Collegiæ Veteroboleslaviensis ecclesiarum Canonicus : cujus verbis, ex ejus ad me litteris, hanc narrationem concludam : Mitto, quæ de B. Joanne Nepomuceno invenire potui; eaque ex variis fidissimis & indubiis manuscriptis collecta, sub fide Sacerdotali communico ; faxit Deus, ut quem honoramus in terris, ejus consortio perfruamur in cœlis. Amen.

## Oratio ad B. Joannem Nepomuc,


*Quam tribus linguis, Bohemicè, Germanicè & Latine scriptam, & in tabellis ante ejus tumulum appensam, populus pie recitare consuevit, ad verbum descripta.*

**B.** Joannes, Martyr ac Patrone, Nepomuci in Regno Bohemiæ oriunde, templi S. Viti in arce Pragensi Canonice; eò quòd ad instantiam Wenceslai IV. regis, ulcisci se de conjuge, sæpe illum de vita corrigenda monente, volentis,

G


ante


ante & post torturam, Confessionem Augustæ propalare recusasti, in flumen Muldavam ex Ponte præcipitatus, à luminibus, noctu supra flumen ubi corpus tuum jacuit apparentibus, certissimis tuæ innocentiae & sanctitatis testibus ostensus, sollemniter ab universo Clero ac populo ad Cathedrale templum deportatus fuisti; ubi usque hodie, qui tuum sepulcrum exhonorat, vulgi infamiam effugere non solet. Tu enim admirandam, inauditam, ac sempiternam memoriam secreti exomologeseos tuendi post te reliquisti. Per hæc tua merita & dona divinitus tibi concessa, precamur suppliciter ac fiducialiter, apud omnipotentem Deum eam impetra nobis gratiam, ut ira ejus conquiescat, peccatorum poenas, uti pestem, bellum, famem, aliasque tam corporis quam animæ plagas clementer avertat; & ut nos ante obitum confite-ri, pro peccatis satisfacere, omne periculum & seculi dedecus, hominumque scandalum effugere, Deo placere & adhærere, vitam laudabiliter concludere, & ad vitam æternam pervenire possimus. Per Jesum Christum Dominum ac Salvatorem Nostrum. Amen.














2770

07







